

# HOM STROM

## SONDA, 3 FAVRER 2024

fotos: richard parli

L'Hom Strom es üna veglia üsanza dal cumün da Scuol. Ella vain pratichada da scolaras e scolars mincha prüma sonda dal favrer. Indigens e giasts sun cordialmaing invidats da gnir a verer ils preparativs dûrant il davomezdi e l'Hom Strom chi arda la saira.

Uriundamaing sarà stat l'Hom Strom üna offerta al Dieu dal sulai, sperond cha quel pissera lura per üna buna racolta. Elemaints pajans sco eir da quels da la cretta cristiana vegnan avant in quista tradiziun.

### PROGRAM

13:30

Cumanzar a far cuas per l'Hom Strom (Plaz).

ca. 13:30 – 15:30

Cafè e tuorta giò'n Plaz.

18:15

L'Hom Strom vain manà vers Gurlaina.

19:30

Vi'n Gurlaina as poja cumprar vin chod e punsch organisà da la Giuventüna Scuol.

a partir da las 19:45

«Spectacul da fö» cullas bombas. L'Hom Strom vain ars sco üsità a las 20:00, e tuots chantan la chanzun da l'Hom Strom.

### **La chanzun da l'Hom Strom**

L'Hom Strom es ün bel hom,  
üñ hom da nom e pom,  
chi metta sü il buol  
a nos cumün da Scuol.

Dret sü til implantain,  
la saira til ardain,  
e tuot la glieud dal lö  
s'allegra da seis fö.

Cul strom cha'l paurs ans dan  
ils mats las cuas fan,  
plajond sün ün lattun  
infin ch'el es grondun.

Las flommas van in ot,  
portond al Segner lod,  
chi'ns dosta dal malom  
eviva nos Hom Strom!



Men Rauch

**Cumün da Scuol**  
**Scoula da Scuol**  
scolars / scolaras  
e magistraglia

